

82

h-694 ივანე ჯავახიშვილის სახელობის თბილისის
სახელმწიფო უნივერსიტეტი

ხელნაწერის უშვებობა

მარიამ ჩიქოვანი

შინაგანი მეტყველების გამოსატვის ფორმები
მხატვრულ ტექსტში (XVIII-XX სს. ინგლისური
ეპიკური პროზის მასალაზე)

10.02.04 – რომანულ-გერმანიკული ენათმეცნიერება

ფილოლოგიურ მეცნიერებათა კანდიდატის სამეცნიერო
ხარისხის მოსაპოვებლად წარმოდგენილი დისერტაციის

ა ვ თ რ ე შ ე რ ა ტ ი

თბილისი
2006

სადისერტაციო ნაშრომი შესრულებულია აკაკი წერეთლის
სახელობის ქუთაისის სახელმწიფო უნივერსიტეტის
ინგლისური ენის კათედრაზე

სამეცნიერო ხელმძღვანელი: **მაია ნათაძე**
ფილოლოგიის მეცნიერებათა
დოქტორი, პროფესორი (10.02.07)

ოფიციალური ოპონენტები: **რუსუდან ასათიანი**
ფილოლოგიის მეცნიერებათა
დოქტორი, პროფესორი (10.02.07)

გურამ ლებანიძე
ფილოლოგიის მეცნიერებათა
დოქტორი, პროფესორი (10.02.04)

დისერტაციის დაცვა შედგება ივანე ჯავახიშვილის სახელობის
თბილისის სახელმწიფო უნივერსიტეტის P. 10.07. N7 სადისერტაციო
საბჭოს სხდომაზე 2006 წლის 22 თებერვალს 13.00 საათზე.


მისამართი: 0128, თბილისი, ი. ჭავჭავაძის გამზირი №1, კორპ. 1,
აუდიტორია №93.

დისერტაციის გაცნობა შესაძლებელია თბილისის სახელმწიფო
უნივერსიტეტის სამეცნიერო ბიბლიოთეკაში (0143, თბილისი, უნი-
ვერსიტეტის ქ. №2).

ავტორეფერატი დაიგზავნა 2006 წლის 20 იანვარს.

სადისერტაციო საბჭოს სწავლული მდივანი,
ფილოლოგიის მეცნიერებათა
დოქტორი, პროფესორი

რამაზ ქურდაძე



ნაშრომის ზოგადი დახასიათება

სადისერტაციო ნაშრომი ეძღვნება შინაგანი მეტყველების გამოხატვის
ერთ-ერთი ფორმის არასაკუთრივ-პირდაპირი ნათქვამის (შემდეგში აპნ)
სტრუქტურულ-ფუნქციურ კვლევას ინგლისური ეპიკური პროზის მასალაზე.

ფსიქოლოგიაში ცნობილია, რომ ადამიანის ცნობიერება ჩაბმულია გა-
მუდმებული მოქმედების პროცესში (გარდა უსიზმრო ძილისა. მაშინაც ვინ
იცის...). სიღრმისეულმა ფსიქოლოგიამ (ფროიდი, იუნგი) ცნობილი გახადა
ის ფაქტი, რომ ადამიანის ცნობიერების, ასე ვთქვათ, „ზედაპირული“ გაცნო-
ბიერებული შრეების მიღმა დაფარული ასოციაციური კავშირების, ზოგჯერ
ბუნდოვანი შთაბეჭდილებების სახით არსებობს სხვა, მეორე გაუცნობიერებ-
ლი, სიღრმისეული შრე. ცნობიერების მოქმედების პროცესი მთლიანობაში
ორივე ამ შრეს მოიცავს. ცნობიერი შრე არაცნობიერიდან მოსული იმპულ-
სებით იკვებება.

ფსიქოლოგია თვლის, რომ ცნობიერი შინაარსები (ხე, ბუჩქი) ანუ ადა-
მიანის მიერ გაცნობიერებული შინაგანი თუ გარეგანი სამყაროს მოვლენები
მხოლოდ ვერბალური ფორმით არსებობს ჩვენს ცნობიერებაში, რომლებსაც,
თავის მხრივ, გარეთ გამოვლენილი ანუ სენსომოტორულად გამოვლენილი,
ხმამაღლა წარმოთქმული ბგერით-ინტონაციური სტრუქტურების ფორმა
აქვთ (ანუ მეტყველების, ვერბალური ქმედების ფორმა).

ჩვენ შეგვიძლია ჩუმი აზროვნებაც, რომელსაც აგრეთვე ვერბალური
ოღონდ ხმამაღლა გამოუთქმელი ფორმა აქვს და, რომელიც მხოლოდ ინტე-
ლექტუალურ-ლოგიკური პრობლემების გადაწყვეტას არ გულისხმობს. იგი
ნებისმიერი მოვლენისათვის, მათ შორის გრძნობებისათვის სახელის დარქმე-
ვასაც ნიშნავს. სწორედ ყოველივე ამას — შთაბეჭდილებების, განცდების,
გრძნობების გაცნობიერება-დაფიქსირებას ხმამაღლა გამოუთქმელად და მათ
შორის ასეთივე სახის მიმართებების დამყარებას შინაგანი მეტყველება ეწო-
დება. შინაგანი მეტყველების პროცესი, რომელსაც ადამიანის ფსიქიკის მუ-
შაობაში უმნიშვნელოვანესი ადგილი უჭირავს, რა თქმა უნდა, არ დარჩენი-
ლა მწერალთა ყურადღების მიღმა.

წარმოდგენილი სადისერტაციო ნაშრომი არის ცდა შინაგანი მეტყველე-
ბის გამოხატვისათვის აუცილებელი ფორმების დაფიქსირებისა, მათი ფუნ-
ქციობის თავისებურებებისა და სტრუქტურის დეტალიზებული შესწავლისა.

ითვლება, რომ საზოგადოდ ენებს აქვთ შინაგანი მეტყველების გამოხატ-
ვის საში ძირითადი ფორმა: პირდაპირი ნათქვამი, ირიბი ნათქვამი და აპნ.
მართალია, ჩვენ განვიხილავთ სამივეს ცალ-ცალკე მათი ფუნქციობისა და
მხატვრულ ლიტერატურაში გამოყენების თვალსაზრისით, მაგრამ მაინც გან-
საკუთრებულ ყურადღებას ვამახვილებთ შინაგანი მეტყველების გამოხატვის
იმ ფორმაზე, რომელიც ნაკლებადაა შესწავლილი — ესა არის აპნ.

1-5053